

《中國地方藝文薈萃》編委會 編

中國地方藝文薈萃

學苑出版社

第五卷·第三輯 樂

華東卷·第三輯

柒

中國地方藝文薈萃

《中國地方藝文薈萃》編委會 編

貴州师范学院内部使用

貴池二妙集五十一卷（四）

貴州师范学院内部使用

貴池二妙集五十一卷（四）

（清）劉世珩輯

據清光緒二十五年（一八九九）劉氏唐石簞刻本影印。

嶧桐詩集卷第五

二妙集四十二

貴池劉城伯宗著

七言古

忠孝詩為王孫潤生

議澁

明府賦

漢有德向宋愚鼎亮節精忠竟齊等丈夫同室急纓冠何況
 天家肺腑迴君侯高帝之子孫隆準修髯鴻寶存夜觀象緯
 愁熒惑曾愛鄆筒入汶源十年豺虎中原滿至尊勤瘁羣工
 懶慷慨悲歌走帝都 武烈纘一朝白日沈地黑九
 土無聲哭不得郿鵠金多競進身美新草就真歌德此時一
 死已如歸更念宗祊始願違高廟有靈終建武北堂護在欲
 何依勢面割須行遜客青旨取瘖追在昔葵心惟有幾陵知
 魚服何從十日索只今江左果重興淮海舟中痛不勝涕零
 霜雪燕山墮策定雲龍代邸升宋昌猶卻封侯賞雙鳧聊作

華陽長但願鍾山氣鬱蔥不辭外吏多執掌我聞君侯念母
時室中有婦戶能持滄瀆既怡晨夕色割肌又作葭苓醫噫
吁嘻多少須麋膝下兒白髮呻吟子不知生成鞠育弃如遺
掉臂天王亦若斯君侯不負宗臣義彤管應傳孝婦奇北望
闕廷淚如霰爲君寫作忠孝詩

相逢行贈程際甫

世會

二月送子清谿上春水方生勢可往冬日相逢長千里秦淮
一綫龜坼底中閒滄海變桑田薊門宮闕真可憐銅駝何處
埋荆棘十二園陵烽復煙吾子今對彤廷策上第同升戴德
籍說禮專家既有名談易成書尤不易廷對戴敬夫第一際甫次之戴習禮際甫
治吁嗟乎江左臨安往事多茂宏伯紀竟如何大梁伊雒君
鄉里夢寐能無時一過應向呆愚寫所思禱祈努力孝陵知
當春且莫諫折柳家有衛尉兄可師

斷頭歌

斷頭先生吾好友江南次尾知名久昔日旗亭少伯同今朝
 大澤吳廣首舉世人將奮椎一擊書生手憶昨龍種
 安眾侯草創滅裂用吾州天下莫先劉氏恥肆然遂帝魯連
 羞空拳直把白刃冒朽腹爭持縞素號反掌蘭谿菊水收拭
 目清漳平海到亦知王邑嚴尤鋒正惡螳臂鴻毛不敢回顧
 卻吁嗟事幾一跌恨彌天束手山岡徒聞大笑噓抗懷正氣
 能如此文人名士豈徒爾延頸怒背事不成生面猶馳十五
 里嗚乎斷頭何處起悲風元年一死忠千秋人指石灰

沖石灰沖次尾死義處

峽裏大風歌

大風怒號將倒牆欲雪不雪天鵝黃半夜濤聲湧枕上狻猊
 狻猊如羣羊楓林葉脫徒骨立舞勢尚作千尋長南郭子綦

女四十一二
二
聾兩耳杜甫茅屋總飛揚江南深山猶至此幽燕沙起應茫
茫登樓排窗我眺聽此風不雄多怨傷有客來傳新安事中
丞鐘鼓失訇鏜
吁嗟無計一拊牀裂背直髮身爲僵
簡書正得大統曆邸鈔頻見

春雨歎

九十日春在何處總置盲風妒雨中夜夜翻盆驚簷溜朝朝
泥滑唬牆東大麥垂垂小麥立陽光不照難堅實菜花開好
爛成堆時聞田父長太息

風鬟霧鬢怨應深驅使羣羊苦作靈漲隄傷農豈暇惜錢塘
怒濤是知音亦有葵心終戀日杲杲不出雨中泣挾雲放霧
定何時皇天回斡豈無力

我向春山學藝穀豈知連雨將傾屋行藥曾無寸步乾沒踝
時埋泥百斛海嶠飛龍已在天乘時行必指幽燕愁霖不歇

組練溼甲光何日照晴川

寄題韓韓齋次原韻

九華劉子久築讀書舍曰松竹居曰韓韓齋曰明發堂有終焉之志其族孫德先來索題爲賦此

千載茯苓萬束玉本自亭亭在巖谷俗子情深簪紱閒北山移文比公牘誰使天性化仇讐受爵觴酒與豆肉我聞華西好兄弟不殊大被歌續竹陽城篤行在天倫豈必垂紳享夏屋哦松看竹儼胥庭酌壘醑醑速伯叔宛鳩棠棣摯懷思莫使門人廢誦讀此處桃源無魏晉它人輦上多慚恧老我擬欲習家風十日高齋問尊宿

德先屢顧余山中用韻贈之

遐心能使音金玉況余戢羽真空谷多君車騎問陳人側理屢索塗鴉牘作詩欲學飯顛瘦論書不貴玉環肉偶然手口

總師心頗似東坡無節竹君家詩學近崢嶸琅玕瓊玖方盈
屋碎璣視我何足云大小兒中次季叔名臣有後自古然諫
草留詒子孫讀雅懷逸韻似君稀對之形穢凡夫忍遲余乘
興到華西相拉芙蓉頂上宿

德先與我山右諸志再用韻贈之

鄧林之材玄圃玉大澤龍蛇蘭在谷縹緗應向世家求飽死
蠹魚塵滿牘縱橫鄴架亂牙籤十日飢人太牢肉我亦書淫
比孝標燎麻藝髮還折竹賣薪買紙廿年來壘窗塞座頗連
屋君家奕葉網羅多柱史先生視吾叔石室龍門祕簡收淖
沱媯汭靈文讀此書此地今難言異域相看舉世忍借鈔未
有束脩羊一甌仍就君家宿

禽言

割麥插禾余歲歲聽之今避居深山無日不從枕上

入耳也感而有賦因取昔人所擬皆作之世無鳥官
或不乏公冶長杜甫拜杜鵑應為杜鵑可與語耳

割麥插禾

割麥插禾莫更延俄爾不見楚江二熟三熟地今只青燐白
骨蓬蒿多兵需糗精急馬愛秣莢馱符牒來如火里正又重
科爾不能短衣帶劔豪豬韉祝爾驅犢插秧歌割麥插禾

行不得也哥

行不得也哥前長箭後銳戈爾頭未禿髮猶髻路滿矰繳途
譏訶無諸之域修阻多雖有兩翼不得過可奈何行不得也
哥

脫布袴

脫布袴君莫顧貴無烏紗賤無幘手無長袖足無屨有袴何
欣無袴何惡吳蠶不成絲蜀錦來無路葛莫問雷綢莫路木

棉花價如寶璐珍重一尺布脫布袴

春去了

春去了如何好紅紫付東風一行何處討聞雞鳴宜起早髀
肉生空坐老秋霜冬雪好打熬轉瞬春光來樹杪莫待春來
又草草春去了

泥滑滑

泥滑滑二三月來雨霖殺晝昏不見天足重身難拔淖中有
掀人可生大澤一迷重瞳瞎天步艱難路坎軻英雄蹉跌十
常八泥滑滑

提胡蘆

提胡蘆何處沽人家朝餐無杭米豈有餘流酒家胡十年舉
世吸煙釀近日相逢醉酪酥有酒真爲瑞不醉亦何愚營糟
邱提胡蘆

得過且過

得過且過算來餘幾箇昔日怡堂昏坐臥風雨忽來禍事大
飛彈流矢況復多得一飲酌宜相賀請看鳩巢爲誰作得過
且過

力作力作

力作力作百爾君子有爲必恪田父不力一家飢君子不力
大業落手皴足折黍稌多櫛風沐雨麒麟閣作不力如勿作
力作力作

游杉山水竹谿放歌

曹生誇我水竹谿我今扶杖試攀躋前人度隴沒復出憐余
拙步煩提攜心貪奇勝忘蹇劣到門亦與諸公齊雙扉面勢
便得地平遠空青來簇擠妙氣微茫鍼度髮雄觀奮躍象搏
猊室旁斜去高臺出一松端好如植圭茯苓雖未成仙藥偃

蓋將橫蔭別溪錯置拳石堪倚望下臨遠景似萋迷金碧精
工思訓蹟灰阜黯淡元章題因思日昨蒼潭峽亦賴邵子穿
蒿藜諸僧不說徑欲塞我到叫絕如駭犀劔削琅玕千尺壁
泉倒黃河萬斛澌潭深自是龍爲窟樹拗時便颺作梯枕流
漱石去不得至今冰骨把金篋佳處不逢吾輩識直令鷺鷥
等山雞此中好劇黃精食勿更生心逐馬蹏數子逢人如問
姓被衣齧缺與王倪

別杉山蒙公

屈指山中十日住臥我百尺高涼處嘗翻縹錦貝多書每穿
窈窕無人路受風坐月寺前門數山聽水崖邊樹觀化畦蔬
塍穰閒澄懷竹鳴松臺去鐘聲共飯鼓聲茶眉公記壁慙公
句有時序說五鐙宗勸余著意三乘悟分贈孤筇作證明重
屬冬初與秋暮閣上重鋪寒夜單山中或見天花雨君不見

贊公土室已公齋子美詩傳千載慕

歲行盡矣廚饌蕭然適舒生廷詔汪生之泚遣信齋糟

蝦鹽鯿豚蹠巨鯉蔬燭諸物至戲為長歌

閔叔豬肝庾郎韭口嗟腹怨稱窮醜自我流離值歲饑盤空

餅罄曾何有陝川種麻不種菜芥蔥希見如瓊玖蘿蔔遠自

澗山來近者大河荷以篋大河村名去峽川三十里十日五日一割豬價

昂秤縮難常有客至千錢市不來何況無錢貫徒手長溪有

水不中漁小白寸餘時麗留居人寶此上賓筵得錢肯留誰

溪友以茲晚食是良方成糜脫粟徒充口先生更莫賦老饕

食經饌法虛傳授置身古處成三人左揖黔婁范丹右窮冬

日盱廚未煙何處提攜來大甬藉糟汁滓味能香搓頭縮項

薰蒸久更有彘肩堪大噉巨鯉三尺橫如斗便燒絳蠟待熬

烹腹中已覺車輪走舒生汪生意氣人好事年年嘗載酒邇

來蹉跌已坎軻尚能輟箸爲吾壽歲晏荒寥簋作豐諸君視
吾事濟不春來籃輿將仗誰欲看村村花與柳

後孤兒行爲麻乾齡作

有客頽然一丈夫崢嶸白晢美如瓠問年二十頗有餘身上
綈袍下舊襦對人不敢道姓名我知此兒孤復孤孤兒有父
諸生傑文山之髮常山舌赤手將扶炎鼎顛長繩欲繫陽烏
滅事之不濟遭蹉跌諸陵風雨中咽通濟門前歌正豪敬
亭山下巢已折孤兒此時孺子嗁血淚徒枯影亦孑鴟鴞晝
嘯豺夜噪置網張前戈後列孤兒有心不敢死拔身能自叢
矛裏越峰閩海路迢遙繭足蒙頭幾臥起麻衣雞骨入行朝
崩鋏龍文申父理褻綸一再下天興義烈紛紜滿人耳此時
哀怨未曾平轉瞬無諸業又傾厓山欲破祥興殿宛水仍藏
廣柳軒石根木杪頻登頓里門望見獍梟迎迫亡伍伯朝持